

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2011296710 և 2011299780 որոշումներն անփոփոխ, իսկ վարչական բողոքն առանց բավարարման թողնելու մասին

<<21>> 08 2020թ. 7-13 3923

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Հրաչիկ Մկրտչյանի ՄԴ/95010-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Հրաչիկ Մկրտչյանը (**ծանուցման հասցե՝** քաղաք Երևան, Շենգավիթ վարչական շրջան, Մանթաշյան փողոց, 4/4 շենք, 9-րդ բնակարան) դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2011296710 և 2011299780 որոշումները՝ նշելով, որ մի դեպքում գծանշումները տեսանելի չեն եղել, իսկ մյուս դեպքում համաձայնվել է իրավախախտման հետ, սակայն խնդրել է հնարավորություն տալ վճարել տույժի կեսը:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 2011296710 և 2011299780 որոշումները ենթակա են կատարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և

փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքների համաձայն՝ Երևան քաղաքի Դեղատան - Մ.Մկրտչյան փողոցների խաչմերուկ հատվածում՝ Մ.Մկրտչյան փողոցում ՀՀ կառավարության 26.10.2006թ. №1699-Ն որոշման պահանջներին համապատասխան՝ երթևեկության մասնակիցներին տեսանելի վայրերում տեղադրված է 4.1.4 <<Երթևեկությունն ուղիղ կամ դեպի աջ>> ճանապարհային նշան, որն առկա է եղել նաև իրավախախտման օրվա դրությամբ:

Երևան քաղաքի Աբովյան - Թումանյան փողոցների խաչմերուկի հատվածում իրավախախտումն արձանագրված վայրում, Աբովյան փողոցի սկզբնամասում՝ ՀՀ կառավարության 26.10.2006թ. 1699-Ն որոշման պահանջներին համապատասխան, երթևեկության մասնակիցներին տեսանելի վայրում տեղադրված է 5.5 «Միակողմ երթևեկությամբ ճանապարհ» ճանապարհային նշան, որն առկա է եղել նաև իրավախախտման օրվա դրությամբ:

Ճանապարհային ոստիկանության վարչական տույժ նշանակելու մասին թիվ 2011296710 որոշմամբ ամրագրված իրավախախտումն արձանագրած տեսանյութի ուսումնասիրության արդյունքում պարզվել է, որ << SUBARU>> մակնիշի 96FP996 հաշվառման համարանիշի տրանսպորտային միջոցը 17.06.2020թ-ին ժամը՝ 19:08-ին նշված վայրում «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձ, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով, ինչը նույնպես չի հիմնավորվել վարույթի ընթացքում:

Ճանապարհային ոստիկանության վարչական տույժ նշանակելու մասին թիվ 2011299780 որոշմամբ ամրագրված իրավախախտումն արձանագրած տեսանյութի ուսումնասիրության արդյունքում պարզ է դառնում, որ վերը նշված տրանսպորտային միջոցի վարորդը 18.06.2020թ-ին ժամը՝ 15:28 Երևան քաղաքի Աբովյան - Թումանյան փողոցների խաչմերուկի հատվածում միակողմ երթևեկությամբ ճանապարհով տրանսպորտային միջոցը հետընթաց է վարել տրանսպորտային միջոցների հոսքին հակառակ ուղղությամբ:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասի համաձայն՝ տրանսպորտային միջոցը միակողմանի երթևեկությամբ ճանապարհով տրանսպորտային միջոցների հոսքին հակառակ ուղղությամբ (այդ թվում՝ հետընթաց) վարելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով, տուգանային միավորի կիրառում՝ 3 միավոր:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2011296710 և 2011299780 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Հրաչիկ Մկրտչյանին:



Ն. Սարգսյան

Կատարող՝ Կ. Ահարոնյան
Հեռ.՝ 011-544-783